

ԻՍԱՀԱԿՅԱՆԻ ՍՏԵՂԾԱԳՈՐԾԱԿԱՆ ՈՒՂՈՒ ՍԿԻՋԲԸ

(Մենդյան 100-ամյակի առթիվ)

Բաճախիչ. գիտ. դոկտոր Կ. Ն. ՀՈՎՀԱՆՆԻՍՅԱՆ

Ավետիք Իսահակյանի անունը դրական աշխարհում առաջին անգամ հնչեց 1892-ին, երբ «Տարազում» տպագրվեց նրա «Ծաղիկ էի նորաբողբոջ» ոտանավորը: Այնուհետև նրա բանաստեղծությունները հաճախակի երևում են «Արաբսի», «Մուրճի», նույն «Տարազի» էջերում:

Երիտասարդ բանաստեղծի շեշտված անհատականությունը նոր բնագծեր էր բացում հայ պոեզիայում: Եվ երբ 1897 թ. հրապարակվում է նրա բանաստեղծությունների առաջին գիրքը՝ «Երգեր ու վերքեր» խորագրով, ժամանակի մամուլն անմիջապես արձանագրում է, թե Իսահակյանը բերում է զեղարվեստական նոր աշխարհ, որտեղ ինքը «լիազոր տեր է, մրցակից չունի»¹:

Այս կարծիքը շուտով գրեթե համընդհանուր դարձավ ժամանակի գրական միջավայրում: Սակայն քննադատությունը երկար տարիներ չկարողացավ բացատրել, թե որն է այդ «նոր աշխարհի» ներքին իմաստն ու էությունը:

Դրական-հասարակական կարծիքը ընտելացել էր պոեզիայի որոշ ավանդական ըմբռնումների: Եթե քաղաքացիական բանաստեղծություն է՝ ապա չափանիշը Պատկանյանն է, եթե քնարական է՝ ապա Հովհաննիսյանը: Դրվատելով ու մեծարելով Իսահակյանին, «Երգեր ու վերքերը» այնուամենայնիվ գնահատվում էր հին պատկերացումներով: Իսահակյանին վերագրվում էր կամ իրականության գերազանցապես հուզական ղգացողություն, կամ էլ վերացականություն ու հայեցողություն:

«Երգեր ու վերքեր» ժողովածուն խոր տեղաշարժեր առաջ բերեց հայրենական պոեզիայում: Իսահակյանի բանաստեղծական խոսքի նշանակությունը շատ ավելին էր, քան «նոր ոճն ու գրելաձևը»:

Կյանքի սոցիալական, հասարակական անդրադարձումները և անհատի հոգեկոր մղումները Իսահակյանը գեղարվեստորեն հայտնաբերում էր ու իմաստավորում պատկերային միասնական հանդույցներում: Նա արմատավորում էր բանաստեղծական սինթետիկ մի արվեստ, որ խտացնում էր երեւոյթների բաղմակողմանի լինելիությունը, մերձեցնում դրանք հարաբերումների հատման կետերում և անցումներում: Հույզին, ղգացմունքին միախառնելով էր փիլիսոփայական խոհը, քնարականը հագնում էր էպիկական երակով:

Մաքուր, թորած սիրտ, կարոտի կամ քաղաքացիական մոտիվների միալար ու միադիմ մեղեդիները՝ «Երգեր ու վերքերից» սկսած նահանջում են նրա ստեղծագործության մեջ: Հարուստ ու տարբեր, երբեմն անմիասեռ տրամագրությունների ներթափանցումները, զուգորդություններն ու հակադրություն-

¹ «Մուրճ», 1898. № 6:

ներք տանում են դեպի կյանքի համակողմանի ընդգրկում, բերում կյանքի ու աշխարհի, մարդկային հոգեբանության ու ձակատագրի վերարտադրության լայնք ու խորք:

Առաջին իսկ բանաստեղծություններից Իսահակյանը երբեք չի պարփակում իրեն՝ տվյալ հույզի կամ տրամադրության շրջանակներում:

«Մաղիկ էի նորաբողբոջ» (1892) բանաստեղծության մեջ, օրինակ, համարվում են և՛ սիրո երջանկությունը, և՛ ողբերգությունը, տրամադրությունների այնպիսի դրամատիկ խաչավորումով, որտեղ միաժամանակ հըն-չեցվում են ոչ միասեռ այնպիսի հույզեր, որպիսիք սիրո հեքիաթային պատանեկական վայելքն է և դրա հակոտնյան՝ մերժվածության ու ցավի ծանր դրաման: Ընդամենը չորս քառատողից բաղկացած մի բանաստեղծության մեջ Իսահակյանը վերցնում է սիրո զգացմունքի ահա՛ այսպիսի լայնք, իմաստավորում այն ապրումի միմյանցից հեռու տարբերակներով:

Կամ «Ցաված սիրտըս երգեր հյուսեց» (1891) բանաստեղծության մեջ բացահայտվում է սեփական երգի էությունը, սակայն ոչ միայն ստեղծման պահի «անուշ ու տխուր» մորմոքով, այլև բանաստեղծի մահից հետո սպասվող հեռավոր իմաստով:

Հենց սկզբից Իսահակյանը ընդարձակում էր մարդկային հուղապրումի կամ հոգեբանության ընդգրկման տարողությունը, հենց սկզբից մասնավորն ու կոնկրետը բանաստեղծորեն վերացարկվում էր հուղական-խոհական բաղմապիսի իմաստներով:

Վերցնենք արդեն իսկ «Երգեր ու վերքերում» դժագրվող մոր կերպարը: Ժողովրդական երգի ոգով գրված հայտնի «Մայրիկիս» (1893) բանաստեղծության մեջ մոր կերպարը միահյուսվում է հայրենիքին, նրա շնչին ու կանչերին, քնարական անհատի մոր կարոտը՝ հայրենի սարերի, հավերժի ու հովերի կարոտներին.

... Սարեն կուգու՛մ. նիշուն հավե՛ր,
Ա՛յս. իմ մորս տեսել չե՞մ.
Խովեն կուգա՛մ, մաւմանդ հովե՛ր,
Ախր քա՛րկ բերել չե՞մ:

Հավ՛ ու հովե՛ր եկան կրշախս,
Անձեն դիպան ու անցան.

Պապակ-սրբոխս, վափսղ-սրբախս
Անխոս դիպան ու անցա՛ն:

Ա՛յս. Ի՞նչ տեսի՛ն, անուշ լեզվի՛ն
Կառոտցել եմ, մայրի՛կ ջան.
Երեն՛կ, երեն՛կ. երազ լինի՛մ,
Թըռնիմ մոտրդ, մայրի՛կ ջան:

Այստեղից սկսած ձևավորվում, հետագայում քնարականորեն վեհանում և խոհականորեն խորանում է Իսահակյանական մոր կերպարը, դառնում այն, ինչ դիպուկ նկատել է բանաստեղծի բարեկամներից Սիմիոն Զիկովսին. «Իսահակյանի մոր կերպարը... ինձ համար դժվար է մատնացույց անել մոր մի ուրիշ կերպար, որը տողորված լինի որդիական այգույիսի քնքշությամբ և հայրենասիրական խանդավառությամբ, մոր կերպարը, որը՝ դրա հետ միասին դառնա հայրենիքի դեմքի արտացոլումը, նրա բանաստեղծական անկրկնելի այլակերպությունը»²:

Իսահակյանի մոր կերպարը մեկ ձգվում, իր մեջ է առնում հայրենիքը՝ նրա շնչով, ոգով ու առաքինություններով, խոյանում իբրև մի ամբողջ ժողովրդի տոկունության սիմվոլ, մեկ էլ խորհրդանշում է մայրական սիրո ու

2 «Այ. Իսահակյանի մասին», Երևան, 1971, էջ 15:

զորութանքի արժանի տառապող մարդկություն, ապա դառնում է մարդկայնության կիզակետ, հավերժական անանձնական սիրո սկիզբ ու բարձրակետ։ Նրա բանաստեղծություններում հյուսվում է հայոց հինավուրց հողի մեղմ ճրագների նման աննշմարելի մայրերի աղոթքն ու մաղթանքը՝ միախառնվելու բարու և մարդկայնության անեղծ նշանաբանով առաջ շարժվող մարդկային սերունդների համառ երթին։ Եվ դժվար է որոշել, թե որտեղ է վերջանում մեկը, սկսում մյուսը, որքան միասնական է քնարական-խոհական շաղախը, այնքան և ամբողջական է աշխարհի հեռու ու մոտիկ որդիների կարոտը բոլորող Իսահակյանական մոր կերպարը, օժտված՝ աղ որդիների տառապանքների ու ցավերի մայրական բեռով ու անքնն հոգով, իր հարազատ որդուն արժանի նկարագրով։ մղումներով ու ձգտումներով։

Այսպես՝ իր պոեզիայի անգամ ամենից «անձնական» մոտիվներով ու տրամադրություններով բանաստեղծը ծավալում, բնդարձակում էր հայրենիքի, սիրո ու մարդկայնության բանաստեղծական իդեալները, բնդլանում զբաղանց հասարակական տարողությունն ու հնչեղությունը։

Պատանեկան սիրո անաղարտ թրթիռ՝ թևավորող, նույնչափ և նեղացկոտ ու խռովկան, ուխտին անդավաճան մնալու երդումներ—«Երդեր ու վերքերով» այսպես սկսեց իր սիրերգությունը Իսահակյանը, անկեղծ, առանց կեցվածքի ինչպես բարձրաձև, այնպես էլ ժողովրդական շնչով գրված երգերում։

Սխար սարով ճեռո՛ւ քեզից,
Քու շվախով ապրում եմ, յա՛ր։
Սխար տարով բաժան քեզից,
Քու կաբուտով էրվում եմ, յա՛ր։

Դարդիս պարման, յարիս մահլամ,
Կյանք ու արև յարս ու՞ր է։

(1892)

Ապա սիրո երիտասարդական պոռթկացող դրամա՝ սոցիալական անարդարության հոգեբանությամբ, հայնեական նախատալից ծառացում ու խանդ, համակերպվելու խոռվք։ Այնուհետև նոր գայթակղություններ մեծ աշխարհի ճանապարհների՝ նոր սեր ու հին մորմոր, կամ այրական սիրո ուժ ու ներողամտություն, հախտուն ու վայելուչ խոնարհում մարդուն երջանկություն պարգևող սիրո հզորության առջև, սիրո զորության խոհական-փիլիսոփայական իմաստավորում։

Այսքան մեծ է Իսահակյանի սիրերգության շրջագիծը, որը հենց վաղ շրջանի ստեղծագործությունում առանձնանում է բազմազան մտահղացումներով ու արտահայտչականությամբ։

Նրա վաղ ոտանավորների անկեղծ զրույց-խոստովանություններին հաջորդում են սիրո ժողովրդական դրսևորման շեշտերը։ Ժամանակի նյութապաշտության ու զործարարության թոհուբոհում անափ խանդաղատանքով են հնչում բոլորովին այլ հոգսերով ապրող ժողովրդի մարդկանց մտահոգությունները։

Մանկալ ես, բեզարած ես,
Առը շուռ տու՛ր, շու՛տ արի։
Ծովի պես բռնած ես,
Եզներն արձկի՛, տուն արի՛...

(1893)

Ժողովրդական անաղարտ սիրո բյուրեղյա պատկեր է բանաստեղծութիւնը՝ ստեղծված զգացմունքի աճող ուժը նրբերանդներով արձանագրելու, միջավայրին նկարչական գրավչութիւն հաղորդելու կարողութեամբ:

Սեծ քնարերգուն առաջին իսկ քայլերից հակում ունեն սերը վեհացնելու և սրբազործելու բնութեան երևույթների, ձևերի, գույների ու շարժումների իր զեղանկարչական սուր տեսողութեամբ: Խառնակյանը, ասես, սիրում է բնութեան հետ միասին. մեկ առում է իր մեջ նրա ուժը, մեկ քնքշութիւնը, ցասկոտ բռնկումներն ու կախարհող մեղմութիւնը, բազմազան, հարուստ գույներն ու հրազային փոխակերպութիւնները, հորդ զեղումներն ու զաղտնի հեքերը:

Բանաստեղծը սիրո առարկան չի զարդարում բնութեան պատկերներով, համեմատութիւններով կամ մակդիրներով, պարզապէս նա սերը ապրում ու վերապրում է, կարծես, հենց իրեն ինքնութեան հնարավորութիւններով:

Կուգե՞ս լինիմ վշտի ցողեր՝
Աչքերիդ մեջ շող ցայեմ.
Լսող զիշերվա ահուշ հովեր՝
Փունջ ծամերդ փայփայեմ...

Խալով ստվեր. լուրջ բռնիկ.
Օրոր ասեմ, օրորեմ:

Կուգե՞ս լինիմ ծառ ու ծաղիկ՝
Քեզ գրկումս նիմջ սփռեմ.

Ինչ որ ցանկաս՝ կուգե՞ս լինիմ,
Լինիմ երկինք ու երկիր.
Լինիմ ծո՛վ, ժայռ. արև, լուսին,
Միա՛յն. միա՛յն ինձ սիրի՛ր...

(1892)

Ճիշտ այս եղանակով էլ, եթե մերժվածութեամբ ու ցավով ամպամած է ու արտասվում է իր հոգին, ապա դա իմաստավորվում է բնութեան երևույթների հավաքական արձագանքով ու ձայնակցութեամբ:

Դա՛րդըս լացեմ, սառի սըմբուլ.
Այվան-այվան ծաղիկներ.
Դա՛րդըս լացեմ, բաղի բլրու՛լ,
Ամաշող երկնուց գով-հովեր...

(1893)

Իրոք սահման չունեն իսահակյանական սիրո ծավալումները, ծալքերն ու երանդները: Միմյանց մեջ ալիքավորվում են աշխարհի վայելչութիւնն ու տառապանքը, վիշտն ու խնդրութիւնը, խենթ պոռթկումներն ու նրբին զեղումները:

Իր խոհերի և զգացմունքների տարողութեամբ նա երևույթները պատկերում էր հակասութիւններով, խռովքով ու ներդաշնակութիւններով լեցուն մարդկային հարաբերութիւնների ընդհանուր ոլորտում, որը և պայմանավորեց նրա պոեզիայի յուրահատուկ համակարգը: Մի համակարգ, որտեղ սերտորեն ներթափանցված են խոր ողբերգականութիւնն ու կյանքի պաշտամունքը:

«Օրդեր ու վերքերում», լինի դա կորուլի, եռանդի ալիքավորում, թիտխրութիւն ու դառնութիւն— միևնույն է՝ հոգեկան ամեն մի պահ ներկայանում է խոհերի, զգացմունքների հարուստ անցումներով հղի հյուսվածքներում:

Ահա, օրինակ, մի բանաստեղծութիւն այդ ժողովածուից՝ «Մութը գըրկած գետ ու գետին» (1895): Բանաստեղծն այստեղ, ասես, ամեն ինչ փոխադրում է բնութեան և մարդու ներքին հաղորդակցութեան խորհրդարանն-

ըր, որտեղ նրանք «գաղտնի» միմյանց վարակում են նորանոր տրամադրություններով: Սկզբում նա ձայնակցում է մթնշաղի «անուշ ու տխուր» շնչառության ու զարկերակի համաշափությանը:

Մուրը զրկած զետ ու զետին
Հով ու ավի կը շնչեն.
Երկինք զրկած աստղ ու լուսին,
Լեռներն անցորդ կը ննջեն:

Սիրոս, սիրոս քույլ կզարկե...

Այստեղից սկսվում է աննշմարելի հակադարձ ընթացք. այժմ էլ բանաստեղծի հույզն է իրենը թելադրում բնությանը, բերելով բնության երևույթների այլևայլ նորաձևումներ:

Եվ այսպես շարունակ նրա բանաստեղծություններում ներքին դրամատիզմով լեցուն փոխակերպվում են տրամադրությունները:

Իսահակյանին դրաղեցնում է ոչ թե կոնկրետ հույզը, ապրումը կամ մորմորը: Նրան պատվում է բոլորովին այլ բան՝ ապրումի ընթացքը: Նա արհեստականորեն չի «մեղմում», չի «հանդարտացնում» բնությունը՝ գտնելու համար իր հոգու հանգրվանը: Բնության պատկերներում ելք է գտնում բանաստեղծի խոսվածքը:

Բանաստեղծական այս մեկնակետով «Երգեր ու վերքերում» խտանում են ցրտի, բքի, խավարի, ձյան ծանր շերտերի, հետապնդող օձի, անգութ գայլերի պատկերները:

Մերթ սիմվոլիկ պատկերներով ու այլաբանորեն, մերթ՝ ռեալիստական անմիջական վերարտադրությամբ Իսահակյանը զարմանալի ուժով անդրադարձնում է ժամանակի «եղանակը»:

Յուրա է օրը — րո՛ւմ ու խավա՛ր,
Քամին շաշում, շառաշում...

Վաղ շրջանի բանաստեղծություններից է սա՝ գրված 1892-ին՝ Այնուհետև «ղորանում» են արհավիրքի պատկերները, սաստկանում են «որոտն ու աղմուկը», «սառչում է օրը», «երկիրը սառած ճաքում-ճաքճքում», քամին սուրում է անդունդներից, դժնդակ ոռնոցով վայում ու արշավում «սար ու դարեր»:

Բանաստեղծը մխրճվում է աշխարհի ռեալ իրավիճակի մեջ՝ որոշելու սեփական քաղաքացիական նկարագիրն ու տեղը:

Թող անծիր ծովը եռա, փրփրի,
Թխպոտ երկինքը կայծակներ շա՛ղ տա,
Եվ քո փառոսը մշուշում քաղվի,
Փրկաբա՛ր ավր աչքիս շեբա՛
Չեմ հուսահատվի՛...

(1893)

Երբեմն հոգին մաշում են կասկածները, ապագան ներկայանում է սառած, ճարճրված ու պատառոտված, սակայն բանաստեղծը մշտապես նորանոր ուժեր է առնում հարազատ ժողովրդի տարերքից, նրա անընկճելի կենսասիրությունից:

1894 թ. գրած «Կենսական ծովի հույզերի միջին» բանաստեղծության մեջ պոռթկում է շահմակերպվող ոգին, ծառացող ու ազատատենչ կենսասիրությունը: Հողմ ու փոթորիկ է շուրջը հածում, զոռ ալիքներն են կուրծքը ծնծում, բայց նա իրեն զգում է ժայռի պես ամուր՝ «Ես ժայռի նման կանդնած եմ ամուր»:

Բսահակյան արվեստագետը ժողովրդի կենսահաստատ ոգին չի իզույն ու անջատում նրա աշխարհատեսության ամբողջական համակարգից: Մաքառման ու սլաքարի դարավոր ավանդներ կուտակած հայ ժողովուրդը XIX դարի վերջին և XX դարի սկզբներին կանգնած էր ծանր փորձությունների առջև և դարձյալ անվարան ու տոկուն ստեղծում էր ու ստեղծագործում:

Սակայն շատ պատրանքային կլիներ նրա հայացքը իրականության հանդեպ, եթե պատմական այդ դժվարին ժամանակներում բանաստեղծը չունենար սպառնալիքի զգաստ գիտակցություն: Ժողովուրդը չի ընկճվել, բայց և ապրել է խոր անհանգստություն, մոտալուտ վտանգի տեսական տագնապ, նույնը և Բսահակյանը:

Իր ժողովրդի հարազատ դավակ Ավետիք Բսահակյանը ժողովրդի հետ վերապրեց այս բարդ՝ կորուվով ու խոռվելով լիողբերդական ծանր կացությունը: Բանաստեղծի ապրումների հակասականությունը՝ հորդացող կենսասիրությունն ու դառնությունների թանձրացումները, հասկանալու համար պետք է լայն շառավիղով նայել ժողովրդի ունալ կացությանը երկու դարերի սահմանագծում:

Բսահակյանի ներհակ տրամադրությունները երբեք չեն հանգեցնում նրան անհույս փլուզումների. ընդհակառակը, մշտապես հավասարակշռվում են առավել հզոր տրամադրությամբ՝ աշխարհի պաշտամունքով: Ողբերգականությունը, ինչպես խորաթափանցորեն բացատրում է Գ. Դեմիրճյանը, «բանաստեղծի հոգում կատարեց մեծ ավերումներ, թունավորեց նրա կյանքը, սակայն հենց միևնույն տրագիկմը բարձրացրեց նրա թռիչքը, լայնացրեց նրա դիապազոնը, խորացրեց նրա սերը դեպի կյանքի հաստատումը»³:

Երկրային ցավերից ելք գտնելու համար Բսահակյանի որոնող ոգին մղվում էր դեպի «կախարդ հեռուները», սակայն կասկածները ոչ մի վայրկյան չէին փարատվում, և նա նորից ու նորից սուզվում էր կյանքի ներքին շերտերը:

Վիթխարի է Բսահակյանի խոհերի ու ապրումների կորագիծը, կարծես հոգում կուտակված են մեծ ծնունդով հղի դարաշրջանի ցավերը, հույսերն ու հուսախաբությունները:

Մայրիկ. երվանդ եմ. սիրտս բռնված,
Տես, ո՞րքան խորն են հոգուս վերերը
Արևոտ ու խոցոտ:
Մի՞թե կարող ես վերհեղս բուժել.
Մե տիեզերքի հրսկա վերերի
Կարիլներին եմ...

... Մայրիկ. իմ մայրիկ,
Ընդ ես բավառեմ երկրի ոլորտում,
Ամբոխի վրա, ուռվականի պես.
Հակախո՛ղ կրճերներ,
Չանհույսը՝ շրթներս...

«Մենակ ու մռայլ թափառեմ խոժոռ», — գրում էր նա 1895-ին և սա, իրոք, նրա այդ տարիների հոգեկան վիճակի անդրադարձումն է:

3 Գ. Դեմիրճյան, Երկերի ժողովածու, հատ. 8, Երևան, 1963, էջ 285:

Իսահակյանը ձգտում էր հեռունիոր հավասարապես երկու մղումով. մի կողմից՝ աշխարհի չարիքների եզրերը գտնելու կրքով, մյուսից՝ կյանքի անհագ ծարավն ու սերն էր մղում նրան դեպի նորանոր հեռուները: Եվ սեփական ստեղծագործական այս խառնվածքի սպառիչ ինքնակարը դարձյալ ներկայացրել է ինքը Իսահակյանը «Փշկ-պսակը ձակտիս կըղնեմ» (1895) հայտնի բանաստեղծությամբ.

Փշկ-պսակը նակտիս կըղնեմ
Ու չի՛նչ սրտով ամբոխի մեջ.
Ու վե՛ս մոխեռով երա մե՛ն
Կրքավառեմ ոլո՛ւր-մոլո՛ւր
Երկրի բոլոր ոլորտներում...

— Եվ ի՛նչն է իմ նպատակը,—
Աստղոտ. վսեմ ապագան.
Ու վառ. պայծառ կրշողա
Պղտոր կյանքի ափերից
Նորին. կապույտ ճեղքում...

Սա ժողովրդական աշխարհատեսության բանաստեղծորեն միջնորդված անդրադարձում է, որ միաժամանակ նշանակում է, թե բանաստեղծը մինչև վերջ զինվորադրվում էր մարդկության պատմության վսեմ գալիքին, նրա բարձր ճշմարտություններին և գաղափարներին:

Եվ այսպես, վաղ շրջանից՝ «Երգեր ու վերքերից» սկսած «անձնական» ու հասարակական-քաղաքացիական բազմակողմանի ուղիներով, բազմալար մոտիվներով է թեկնոթում իր ստեղծագործական ճանապարհը Ավ. Իսահակյանը, «անձնական» հուզապրումից անբաժանելի շոշափելով հարազատ ժողովրդի ցավերն ու ճակատագիրը, համայն մարդկության կենսական խնդիրներն ու ձգտումները:

Բանաստեղծը արտացոլեց հայ ժողովրդի ճակատագիրը նրա պատմության ամենաճգնաժամային շրջաններից մեկում: Նրա ստեղծագործության մեջ արտահայտություն են գտել և՛ ժողովրդի հոգեկան ուժերի անկման պահերը, տարակուսանքները, և՛ ժողովրդի ներքին կորուվը, վերածնության հավատը, ողբերգական կացությունը և պատմական կենսունակությունը:

Իսահակյանը տեսավ և հարազատ ժողովրդի հետ ճաշակեց պատմության դաժան հարվածները, անամոք ցավից նրա հոգին մռայլվեց և պոռթկաց անկեղծությամբ:

Բանաստեղծը հաճախ է զրույց բացել հայրենի երկրի ճակատագրի խորհրդանիշ դարձած՝ անցյալի ու ներկայի դառնությունները «ձակտին դիզած» Ալադյազի հետ.

Սև-մութ ամպեր նակտիդ ղիզվան,
Դու՛ման հագար, Ալադյա՛զ,
Սրտումս առն էլ չի ծաղկում,
Սիրտս է՛լ դուման, Ալադյա՛զ:

Զառ փեշերդ անցա. տեսա.
Առանց դարդի սիրտ չը կար.
Ա՛խ, իմանաս. ջա՛ն Ալադյազ.
Իմ դարդիս պես դարդ չկար...

(1898)

Իսահակյանը իր անկեղծ զգացմունքները, տառապանքով ապրածն ու զգացածը երբեք չթաքցրեց աշխարհից: Լիաձայն, առանց պահիս կեղծելու, նա խոսեց պատմական չարագուշակ քառուղիներում հարազատ ժողովրդի կրած աղետներից: Եվ իր՝ բանաստեղծի դիմագծերում անգամ կարելի էր կարդալ նրա տարիներով ապրած ու վերապրած խռովքը: Ասես մտատանջությունից ծանրացած, բանաստեղծի կիսափակ կուպերի տակից նայող աչքերում դրոշմվել էր ժողովրդի դարավոր տառապանքի խորհուրդը:

Իսահակյանի հոգու ալեկոծությունների ալունքը անկոտրուկ կենսասիրությունն է, կյանքի հանդեպ անսահման սերը, որ անընդհատ բորբոքում էր անհաշտությամբ հասարակական շարիքի դեմ: Կենսական դարթունքի անհուն կարոտն է նրան լիցքավորել կենաց-մահու գոտեմարտում:

Բանաստեղծը նգովել է՝ սիրուց, շարացել է՝ տենչալով բարին, հուսախաբվել է՝ հավատարիմ դավանած բարձր գաղափարներին, մենակություն է զգացել՝ ունենալով մարդասիրության կուռք:

1900-ական թթ. գրական քննադատությունը Իսահակյանի «մեղքն» համարել է այն, որ «կյանքի քաղցրությունը որոնող» և միաժամանակ «մարդկության ցավերով այրվող» բանաստեղծը գտնվում է «անհարիր իրողությունների» ոլորտում⁴: Քննադատին անհամատեղելի են թվացել այդ հակառակ բևեռների փոխադարձ հագեցումները, մի տրամադրության պայմանավորվածությունը մյուսով: Իրականում հենց դրանով էլ որոշվում է Իսահակյանի բանաստեղծական տարերքի դրամատիկ էությունը:

Մեծ կենսասիրությունն է մշտապես սրել աշխարհի շարիքների իսահակյանական զգացողությունը և հակառակը:

Իսահակյանի հոգում կային նարեկացու արտահայտությամբ՝ «Հակառակագործ երկու հալոցներ», որոնց ալավն ու բռնկումները մշտապես փոխանցվում էին միմյանց: Այստեղից նրա պոեզիայի ջղուտ նյարդայնությունն ու «քարեքար զարկվելու» մոլեգնությունը, որը որոշ հիմք է տվել քննադատներին նմանեցնելու նրան Հայնեին: Իզուր չէ, որ Վերնատանը Իսահակյանին կատակելով անվանում էին Հայնե: Այս հարազատությունը՝ հենց նույն այդ նյարդայնության առումով, հաստատելու է գալիս այն մեկնակետը, որով դեռևս 1895-ին բանաստեղծը հասկանում ու մեկնաբանում էր Հայնեին. «...Հայնեն միշտ երևում էր մեր գրականության մեջ նուրբ, սալոնական-մանուշակի ու շողերի բուլբուլ: Եթե նա երևում է ներվոզ էպիկուրիստ, հոգնած, զզված բուրդիստ: Նրա այս զլխավոր կողմը միշտ մոռացվում էր...»⁵:

Աշխարհի ու կյանքի մեծ սիրահար Իսահակյանը, բնության հրաշքների ու հեքիաթների երկրպագու քնարերգուն վերպատմական միրաժներ չէր ստեղծում. նա պաշտում և միաժամանակ նշոյում էր կյանքը: Դա հասարակական-քաղաքական որոշակի դավանանք ունեցող մարդու սեր էր կյանքի հանդեպ և հենց դրա համար էլ ուներ խռովքի ու զայրույթի հուժկու լիցք: Նեոհակ խոհերն ու կրքերը սերում էին անդորր ու լճացում շհանդուրժող, մարդկային կատարյալ հասարակության համար մաքառող հումանիստ գրողի աշխարհատեսությունից:

Ինչպես «Երգեր ու վերքերում» ամփոփված երգերով, այնպես էլ ժառանգի պարբերականներում տպագրված մյուս բանաստեղծություններով Իսահակյանը ներկայացավ իր խոհերի և զգացումների «ծրագրային» հայտագրերով:

Ինչ հետազայում դարպացող նրա բարդ տրամադրությունների նախահրնչյունները կարելի է որսալ Իսահակյանի պոեզիայի այս նախերգում: Այս իմաստով նրա ողջ ստեղծագործության համար, իրոք, բնաբան կարող են ծառայել դեռևս 1893 թ. գրված հետևյալ տողերը.

⁴ ՏԼՄ «Մուրճ», 1904, № 3:

⁵ ԳԱԽ. ԱԼ. Իսահակյանի ֆոնդ, № 79:

Տիեզերքի պերճ նյութավածքն եմ,
Իմ մեջ երկինքն է երգում,
Իրենկում է սիրո հրդեհն,
Վառի հեղեղն աղմկում...

Նախաստեղծական տարիների գրական քննադատությունը քաղաքական սրված պայքարի մթնոլորտում կանխակալ դնահատականներով նեղացնում էր բանաստեղծի ստեղծագործության բովանդակությունն ու արժեքը: «Երգեր ու վերքերը» լույս տեսնելուց հետո ձևավորվում են մտայնություններ, որոնք ինչ-որ չափով ձեռք են բերում սովորության ուժ: «Վերքերությունն է ԲսաՀակյանի բանաստեղծության միակ լարը»։ Նրա բանաստեղծությունը «մռայլ, անհույս, անմխիթար ողբ է»։ «Վարպետ է զգացմունքի հատ-հատ վայրկյանները կրկնելու», նրա հոգին ունի երկու հակադիր շրջման կետ՝ «մեկը ժողովրդի մեջ, մյուսը վերացականության սառույցներում» և այլն:

Նման գնահատականները երկար ժամանակ արգելակում էին ամբողջության մեջ տեսնելու բանաստեղծի ստեղծագործությունը: Նրա պոեզիայի բարդ, հակասություններով հանդերձ ներքին կուռ կապակցություններ ունեցող դադափարական-գեղարվեստական բովանդակությունը մասնատվում էր տրամադրությունների առանձին արտահայտությունների: Դրա հետևանքով ձևավորվում է մի տեսակետ, ըստ որի ԲսաՀակյանը, իբր, ելնում է իրարից զատորոշված ու տարբեր ակունքներից: «Նա լավ է ու լայն, քանի ժողովրդի հետ է երգում կամ ժողովրդի սրտից է խոսում... Երբ ձեռք է զարկում իր սրտի մյուս լարերին և հնչեցնում է իր երգը կամ վերքի մեղեդին, նրան համակրողների օղակը նեղանում է... և ընկնում ես ինչ-որ կախարդական անհիժված հարցերի մթնոլորտի մեջ»:

Հյուսվում է մի լեզենդ, ըստ որի, երբ ԲսաՀակյանը երգում է Մանթաշն ու Լերադածը, իբր նրա միտքը Բինգյուլի ճամփաների հետ է, կամ Արազի ջրերի, երբ նրան տանջում է մաճկալի հողսը կամ Զարոյի սերը, ապա այդ դեպքում ժողովրդին է, նրա պատգամախոսը, իսկ երբ սուգվում է ժամանակի հակասությունների հորձանուտը, տառապում մարդկությանը միավորող սոցիալական շարիքների ու անարդարության ցավերով՝ օտարանում է իրեն, դառնում ուրիշ:

Իրականում բանաստեղծը «ժողովրդի սրտի» խորքերից էր հասնում մինչև «կախարդական անհիժված հարցերի մթնոլորտը»: Նրա ստեղծագործության ժողովրդական, հասարակական մեծ հագեցումներն են կանգնեցնում նրան դարաշրջանի խնդիրների, մարդկության գոյության առեղծվածների առջև: ԲսաՀակյանի պոեզիայի ժողովրդայնությունը չի բացառում, այլ ընդհակառակը՝ ենթադրում է մտածողության լայն մասշտաբներ, ենթադրում է ոչ թե ազգադրական, այլ համամարդկային մտածողության չափագծումների ժողովրդականն ու «կախարդական անհիժված հարցերը» սերտ աճող ոլորտներ են բանաստեղծի գեղարվեստական աշխարհատեսությամբ:

«Երգեր ու վերքերում» բանաստեղծի անհատականությունը հատկանշվում էր հարազատությամբ՝ ժողովրդի ոգուն ու հոգեբանությանը, առանձնանում էր ժամանակի լարված մթնոլորտի սուր ու խոր զգացողությամբ, բուն ու անհանգիստ տարերքով:

НАЧАЛО ТВОРЧЕСКОГО ПУТИ АВЕТИКА ИСААКЯНА

(К 100-летию со дня рождения)

Доктор филол. наук Г. Н. ОГАНЕСЯН

(Резюме)

Статья посвящена раннему периоду творчества великого армянского поэта Аветика Исаакяна.

Поэт вступил на литературное поприще в один из самых переломных и мучительных периодов истории армянского народа. В его творчестве 90-х годов нашли отражение сомнения, спады внутренних сил народа и его духовная сила, вера в свое возрождение, трагическая судьба и историческая жизнестойкость.

Первый сборник стихотворений Исаакяна — «Песни и раны», опубликованный в 1897 г., принес ему славу поэта с большим и самобытным художественным миром. Исаакян утверждал синтетическое поэтическое искусство, оперирующее соотношениями и скрещениями разнородных явлений, состояний и признаков. Взаимопроникновения многообразных, порой противоречивых настроений и эмоций вели к объемному охвату явлений действительности. Эмоциональная струя его стихотворений смешивается с философскими раздумьями, лирическая стихия поэта насыщается эпическим дыханием. Эти качественные признаки поэзии Исаакяна раскрываются в статье на примере анализа ряда стихотворений поэта.